

IV. OPOSICIÓN E CONCURSOS

CONSELLERÍA DE CULTURA, EDUCACIÓN E ORDENACIÓN UNIVERSITARIA

ORDE do 12 de marzo de 2012 pola que se convoca concurso de méritos para a selección e o nomeamento da Dirección dos centros docentes públicos que imparten as ensinanzas reguladas na Lei orgánica 2/2006, do 3 de maio, de educación.

O Decreto 29/2007, do 8 de marzo, regula a selección, o nomeamento e o cesamento de directores e directoras dos centros docentes públicos que imparten as ensinanzas reguladas na Lei orgánica 2/2006, do 3 de maio, de educación, mediante un concurso en que se garantan os principios de igualdade, publicidade, mérito e capacidade, entre funcionarios e funcionarias de carreira dun corpo docente, en situación de servizo activo e que estean prestando servizos nun centro educativo dependente da Consellería de Cultura, Educación e Ordenación Universitaria. O decreto recolle que a selección deberá realizarse no propio centro por unha comisión constituída por representantes da Administración e do centro e que os e as aspirantes deberán superar un programa de formación inicial.

Procede convocar concurso de méritos para seleccionar as direccións dos centros que rematan o seu mandato no actual curso académico 2011-2012.

Na súa virtude, esta Consellería de Cultura, Educación e Ordenación Universitaria

DISPÓN:

Primeiro. *Convocatoria.*

Convócase concurso de méritos para seleccionar e nomear as direccións dos centros docentes públicos onde se imparten ensinanzas reguladas na Lei orgánica 2/2006, do 3 de maio, de educación, que se relacionan no anexo I a esta orde.

A selección realizarase de conformidade cos principios de igualdade, publicidade, mérito e capacidade.

Segundo. *Requisitos para ser candidata ou candidato á Dirección.*

1. Para participar neste concurso de méritos para ser nomeada directora ou director dun centro docente público dependente da Consellería de Cultura, Educación e Ordenación Universitaria deberán reunirse os seguintes requisitos:

a) Ser funcionaria ou funcionario de carreira dun corpo docente a que se refire a Lei orgánica 2/2006, do 3 de maio, de educación.

b) Estar en situación de servizo activo.

c) Ter unha antigüidade de polo menos cinco anos como funcionaria ou funcionario de carreira na función pública docente.

d) Ter impartido docencia directa como funcionaria ou funcionario de carreira, durante un período de polo menos cinco anos, nalgunha das ensinanzas das que ofrece o centro a que se opta. Para estes efectos, enténdese que as funcionarias e funcionarios responsables da orientación educativa e profesional imparten docencia directa.

e) Estar prestando servizos nun centro educativo dependente da Consellería de Cultura, Educación e Ordenación Universitaria.

f) Estar prestando servizos en centros docentes públicos, nalgunha das ensinanzas das que se ofrecen no centro a que se opta, cunha antigüidade de polo menos un curso completo ao publicarse a convocatoria. Para estes efectos considéranse as mesmas ensinanzas a educación infantil e a educación primaria.

2. Para participar no concurso de méritos para ser nomeada directora ou director dun centro público específico de educación infantil, incompleto de educación primaria, nos de educación secundaria con menos de oito unidades, en que se imparten ensinanzas artísticas profesionais ou superiores deportivas, de idiomas ou nos centros específicos de adultos con menos de oito profesores, non se exibirán os requisitos establecidos nas letras c) e d) do punto 1 desta epígrafe.

Terceiro. *Solicitudes e documentación.*

1. A solicitude de participación no concurso de méritos dirixirase á xefatura territorial da Consellería de Cultura, Educación e Ordenación Universitaria da provincia correspondente, e poderase imprimir e descargar unha vez formalizados os datos de participación no concurso a través do enderezo web www.edu.xunta.es/cxt.

Lémbrese que para acceder a este servizo web é preciso ter conta de correo electrónico no dominio [edu.xunta.es](http://www.edu.xunta.es) polo que, quen non a teña, deberá solicitala a través da páxina web <https://www.edu.xunta.es/contausuario>.

Xunto coa solicitude achegarase ademais:

a) Documentación acreditativa dos méritos académicos e profesionais alegados en relación co baremo que se publica como anexo II a esta orde, agás aqueles que xa consten na base de datos de persoal.

b) Se é o caso, a aplicación informática expedirá certificación do xefe territorial da Consellería de Cultura, Educación e Ordenación Universitaria que acredite que o solicitante ten destino definitivo no centro.

c) Proxecto de dirección que inclúa, polo menos, os obxectivos, as liñas de actuación e a súa avaliación. No proxecto de dirección deberá facerse referencia, entre os seus obxectivos xerais e as liñas prioritarias de actuación, ás previstas nos artigos 9 e 10 da Lei 7/2004, do 16 de xullo, galega para a igualdade de mulleres e homes.

O proxecto de dirección non excederá de 30 folios DIN A4, nun tipo de letra: Times New Roman, espazo entre liñas: 1,5.

d) Calquera outra documentación que a candidata ou candidato considere idónea en interese da súa solicitude.

2. Efectuarase unha solicitude por cada centro que se demande ata un máximo de dúas.

3. Así mesmo, os participantes no concurso de méritos remitirán ao centro ou centros docentes que soliciten unha copia do seu proxecto de dirección. Este proxecto estará á disposición dos membros do Claustro de Profesores e do Consello Escolar na Secretaría do centro durante un período mínimo de 10 días lectivos, no horario que estableza a Dirección do centro.

No taboleiro de anuncios da sala de profesores exporase unha relación das candidaturas presentadas, así como o prazo e o horario en que poderán verse os proxectos de dirección na Secretaría.

4. A solicitude, xunto coa documentación a que se alude no punto anterior, poderase presentar nos departamentos territoriais da Consellería de Cultura, Educación e Ordenación Universitaria ou en calquera das dependencias á que alude o artigo 38 da Lei de réxime xurídico das administracións públicas e do procedemento administrativo común.

No caso de que se opte por presentar a súa solicitude ante unha oficina de Correos, farase en sobre aberto, para que a instancia sexa datada e selada polo funcionario de Correos antes de ser certificada.

Cuarto. *Prazo de solicitude.*

O prazo de presentación de solicitudes e documentación será de vinte naturais contados a partir do día seguinte ao da publicación desta orde no *Diario Oficial de Galicia*.

Quinto. *Comisión de Selección.*

1. En cada centro educativo constituirase unha comisión de selección, nomeada polo xefe territorial da Consellería de Cultura, Educación e Ordenación Universitaria, que terá a seguinte composición:

a) Unha inspectora ou inspector de Educación, designados pola xefatura territorial da Consellería de Cultura, Educación e Ordenación Universitaria, que exercerá como presidenta ou presidente.

b) Tres profesoras ou profesores do centro elixidos polo Claustro de Profesores, en reunión extraordinaria para estes efectos. Cada profesor ou profesora poderá emitir dous votos.

c) Tres membros do Consello Escolar, elixidos por e entre os membros do Consello Escolar que non son profesoras ou profesores, en reunión extraordinaria para estes efectos. Cada membro do Consello Escolar poderá emitir dous votos.

2. Actuará como secretaria ou secretario da comisión o representante do Claustro de Profesores con menor antigüidade como funcionaria ou funcionario de carreira e, en caso de empate, o máis novo.

3. A representación do Consello Escolar do centro non poderá recaer no alumnado que estea matriculado nun curso inferior a terceiro de educación secundaria obrigatoria.

4. En ningún caso, as candidatas ou candidatos á Dirección poderán formar parte da Comisión de Selección.

5. Designaranse suplentes dos membros da Comisión de Selección en cada un dos ámbitos de representación que actuarán en substitución dos titulares cando exista causa xustificada que impida a actuación destes.

6. Aos membros da Comisión de Selección seranlles de aplicación as normas sobre abstención e recusación previstas nos artigos 28 e 29 da Lei 30/1992, do 26 de novembro, de réxime xurídico das administracións públicas e do procedemento administrativo común.

7. A Dirección do centro efectuará a proposta de nomeamento dos representantes do Claustro e do Consello Escolar na Comisión de Selección á xefatura territorial da Consellería de Cultura, Educación e Ordenación Universitaria, no prazo dos cinco días seguintes ao remate do prazo de solicitudes establecido na epígrafe cuarta desta orde.

8. A non elección dos representantes do Claustro de Profesores ou do Consello Escolar non impedirá a constitución da Comisión de Selección. De non se elixiren os representantes do Claustro e do Consello Escolar, a xefatura territorial nomeará a Dirección do centro por un período de dous anos, oídos o Claustro e o Consello Escolar.

9. A composición da Comisión de Selección publicárase no taboleiro de anuncios do centro.

Sexto. Composición da Comisión de Selección en determinados supostos.

Cando o número de profesorado do centro sexa inferior a catro ou o número de candidaturas á Dirección non lle permita ao Claustro elixir tres membros de entre o profesorado, a composición da Comisión de Selección será a seguinte:

– Unha inspectora ou inspector de Educación, designado/a pola xefatura territorial da Consellería de Cultura, Educación e Ordenación Universitaria, que exercerá como presidenta ou presidente.

– Un profesor ou profesora do centro elixida polo Claustro de Profesorado. Cada profesor ou profesora poderá emitir un só voto.

– Un membro do Consello Escolar, elixido por e entre os seus compoñentes que non sexan profesoras ou profesores. Cada membro do Consello Escolar poderá emitir un só voto.

Sétimo. Funcións da Comisión de Selección e procedemento de funcionamento.

1. Recibidas as solicitudes presentadas na xefatura territorial, a Comisión de Selección comprobará que as/os aspirantes reúnen os requisitos establecidos nesta orde e notificaralles aos aspirantes a admisión ou rexeitamento da súa petición.

2. Contra o rexeitamento da solicitude, os aspirantes poderán presentar reclamación perante a propia comisión seleccionadora, no prazo de cinco días naturais contados desde o día seguinte ao da notificación do rexeitamento da solicitude.

3. A Comisión de Selección valorará os méritos académicos e profesionais de cada aspirante, de acordo co baremo que se publica como anexo II a esta orde. A aplicación informática realizará unha proposta de baremo en función dos datos que constan no expediente persoal.

4. A Comisión de Selección valorará, así mesmo, os proxectos de dirección, de acordo co establecido no baremo que se publica no anexo II desta orde, e poderá ter unha entrevista co profesorado que presentou candidatura se considera necesario clarificar algúns aspectos do proxecto de dirección. Cando a Comisión de Selección decida a realización desta entrevista, deberá efectualala a todos e cada un dos candidatos e candidatas.

5. A cualificación do proxecto de dirección será a media aritmética das cualificacións de todos os membros presentes da comisión. Cando entre as puntuacións outorgadas polos membros da comisión exista unha diferenza de tres ou máis enteiros, serán automaticamente excluídas as cualificacións máxima e mínima, calculándose a puntuación media entre as cualificacións restantes. No caso de empate entre cualificacións máximas ou mínimas, unicamente será excluída unha delas.

6. Contra as puntuacións outorgadas pola Comisión de Selección poderá presentarse reclamación ante a propia comisión no prazo de dez días hábiles computados a partir do día seguinte ao da súa publicación no taboleiro de anuncios do centro educativo.

Oitavo. *Selección das candidaturas.*

1. Transcorrido o prazo de reclamacións e, se é o caso, resoltas estas, a Comisión de Selección establecerá a puntuación final obtida polos aspirantes e seleccionará a candidata ou candidato que proporán como directora ou director do centro, para o seu nomeamento pola xefatura territorial da Consellería de Cultura, Educación e Ordenación Universitaria.

2. Para poder ser seleccionado e ser nomeado para a Dirección é necesario obter polo menos seis puntos no proxecto de dirección.

3. A selección realizarase considerando, primeiro, as candidaturas do profesorado que teña destino definitivo no centro, que terán preferencia. En ausencia de candidaturas do centro ou cando estas non fosen seleccionadas, a comisión valorará as candidaturas do profesorado doutros centros.

4. No caso de se produciren empates na puntuación total dos aspirantes, estes dirimiranse atendendo sucesivamente aos seguintes criterios:

a) Maior puntuación no proxecto de dirección.

b) Maior puntuación na epígrafe 2 do baremo.

c) Maior puntuación na epígrafe 1 do baremo.

5. Se unha candidata ou candidato resultase seleccionado para dous centros, resultará nomeada/o no centro en que tivese destino definitivo. De non ter destino definitivo en ningún dos centros, será nomeada/o no centro polo que opte, e procederase a seleccionar e nomear no centro non elixido a outra ou outro aspirante que reúna os requisitos con maior puntuación.

Noveno. *Recursos.*

Contra a decisión da Comisión de Selección, en que resolve definitivamente o concurso de méritos de selección e nomeamento da Dirección do centro, cabe recurso de alzada, no prazo dun mes, ante a xefatura territorial da Consellería de Cultura, Educación e Ordenación Universitaria.

Décimo. *Programa de formación inicial.*

1. As/os aspirantes seleccionadas/os que non estean exentos deberán superar un programa de formación inicial, organizado pola Consellería de Cultura, Educación e Ordenación Universitaria. Aqueles candidatos e candidatas que non superen este programa de formación inicial non poderán ser nomeados directores ou directoras.

2. O programa de formación inicial consistirá nun curso teórico e na realización de supostos prácticos. O curso teórico deberá ter unha duración mínima de cen horas e incorporar no seu programa contidos sobre sistemas de xestión de calidade dos centros educativos, planificación e organización das actividades escolares, a organización e xestión de recursos humanos, procedementos de xestión administrativa e orzamentaria, formación para a convivencia, elaboración do proxecto lingüístico do centro, igualdade de xénero, mediación e resolución pacífica de conflitos, normativa en materia de centros da lingua galega, alumnado e profesorado.

3. O deseño destes cursos realizarao o Servizo de Formación do Profesorado e serán organizados polos centros de formación e recursos.

Décimo primeiro. *Exención do programa de formación inicial.*

1. Estarán exentos de realizar este programa inicial de formación aqueles aspirantes que acrediten unha experiencia de polo menos dous anos no exercicio da Dirección de

centros docentes públicos. Computará, para estes efectos, como un ano o nomeamento polo período lectivo dun curso académico e estar desempeñando a Dirección no actual curso académico.

2. O profesorado que estivese acreditado para o exercicio da Dirección dos centros docentes públicos estará exento da realización do curso teórico do programa de formación inicial.

Décimo segundo. *Avaliación do programa de formación.*

Para a avaliación do programa de formación inicial constituirase unha comisión de ámbito provincial, nomeada pola/o xefa/xefe territorial da Consellería de Cultura, Educación e Ordenación Universitaria e da que formarán parte:

a) O xefe ou a xefa do Servizo de Inspección, que actuará como presidenta ou presidente.

b) Un director ou directora dun centro que imparta educación infantil, educación primaria ou educación infantil e primaria.

c) Un director ou directora dun centro que imparta educación secundaria.

d) Un director ou directora dun centro que imparta ensinanzas de réxime especial.

e) O director ou directora de cada centro de formación e recursos da provincia.

f) Unha funcionaria ou funcionario da xefatura territorial, que actuará como secretario, con voz e sen voto.

Décimo terceiro. *Nomeamento.*

1. A xefatura territorial da Consellería de Cultura, Educación e Ordenación Universitaria procederá a nomear directora ou director:

a) A aquelas candidatas e candidatos seleccionados que estean exentos da realización do programa de formación inicial.

b) A aquelas candidatas e candidatos seleccionados que teñan superado o programa de formación inicial.

2. Os nomeamentos das direccións realizaranse con efectividade do 1 de xullo de 2012 e por unha duración de catro anos, prorrogables de acordo co previsto no Decreto 29/2007, do 8 de marzo, polo que se regula a selección, o nomeamento e o cesamento dos directores e directoras dos centros docentes públicos que imparten as ensinanzas reguladas na Lei orgánica 2/2006, do 3 de maio, de educación.

3. Cando o nomeamento recaia nunha funcionaria ou funcionario que non teña destino definitivo no centro, a Dirección desempeñarse en réxime de comisión de servizos.

Décimo cuarto. *Nomeamento con carácter extraordinario.*

1. Nos supostos de ausencia de candidatos, ou cando a comisión correspondente non seleccione ningún candidato, ou nos centros de nova creación, a Dirección será nomeada pola xefatura territorial da Consellería de Cultura, Educación e Ordenación Universitaria, oídos o Claustro de Profesores e o Consello Escolar, por un período de dous anos, entre o profesorado que reúna os requisitos establecidos na epígrafe segunda desta orde e, preferentemente, que teña destino definitivo no centro.

2. A persoa seleccionada deberá realizar o programa de formación inicial agás que estivese exenta da súa realización, conforme o previsto na epígrafe décimo primeira desta orde.

Disposición adicional primeira. Se con data do 30 de xuño de 2012 non estivese rematado o programa de formación inicial, a efectividade da duración do nomeamento da Dirección quedará supeditada á superación do programa.

Disposición adicional segunda. Excepcionalmente, poderase aprazar a realización do programa de formación inicial no caso de estar gozando de licenza por embarazo ou de incapacidade temporal. Neste suposto, a efectividade da duración do nomeamento da Dirección quedará supeditada á superación posterior do programa.

Santiago de Compostela, 12 de marzo de 2012.

Jesús Vázquez Abad
Conselleiro de Cultura, Educación e Ordenación Universitaria

ANEXO I

Centros con praza vacante de Dirección para o curso 2012-2013

Código	Centro	Concello	Provincia
15004745	CEIP Plurilingüe Anxo da Garda	A Coruña	A Coruña
15005521	CEIP Ramón de la Sagra	A Coruña	A Coruña
15023363	CEIP Manuel Murguía	A Coruña	A Coruña
15025037	CEIP Sagrada Familia	A Coruña	A Coruña
15005038	CEIP de Prácticas	A Coruña	A Coruña
15026637	CEIP de Barouta	Ames	A Coruña
15032716	CEIP de Arteixo	Arteixo	A Coruña
15000569	CEIP San Xosé Obreiro	Arteixo	A Coruña
15020933	EEl de Barrionovo	Arteixo	A Coruña
15000612	CEIP de Arzúa	Arzúa	A Coruña
15001471	CEIP Praia Xardín	Boiro	A Coruña
15001616	CEIP de Escarabote	Boiro	A Coruña
15032212	CRA Os Remuíños	Cabana de Bergantiños	A Coruña
15002086	CEIP de Ponte do Porto	Camariñas	A Coruña
15020969	CEIP de Mosteiro de Caaveiro	A Capela	A Coruña
15023077	CEIP de Gándara-Sofán	Carballo	A Coruña
15003789	CEIP Praia de Quenxe	Corcubión	A Coruña
15020982	CEIP O Ramo	Fene	A Coruña
15025633	CEIP Os Casais	Fene	A Coruña
15006845	CEIP Isaac Peral	Ferrol	A Coruña
15007655	CEIP de Caión	A Laracha	A Coruña
15026765	CEIP Milladoiro	Malpica de Bergantiños	A Coruña
15009391	CEIP Santiago Apóstolo	Mugardos	A Coruña
15009998	CEIP Ramón de Artaza y Malvárez	Muros	A Coruña
15019499	CEIP de Piñeiros	Narón	A Coruña
15026111	CRA de Narón	Narón	A Coruña
15023508	CEIP Virxe do Mar	Narón	A Coruña
15010307	CEIP San Isidro	Neda	A Coruña
15025050	CEIP Ramón M. ^a del Valle Inclán	Oleiros	A Coruña
15023089	CEIP Luís Seoane	Oleiros	A Coruña
15011336	CEIP Alfonso D. Rodríguez Castelao	Ordes	A Coruña
15012420	CEIP de Oza dos Ríos	Oza dos Ríos	A Coruña
15012717	CEIP Rosalía de Castro	Padrón	A Coruña
15013163	EEl Fernández Varela	A Pobra do Caramiñal	A Coruña
15013291	CEIP Eduardo Pondal	Ponteceso	A Coruña
15025062	CEIP de Portosín	Porto do Son	A Coruña
15025542	CEIP Xuño	Porto do Son	A Coruña
15014180	CEIP Alfonso D. Rodríguez Castelao	Rianxo	A Coruña
15014261	CEIP de Aguiño	Ribeira	A Coruña
15021731	CEIP de Frións	Ribeira	A Coruña

Código	Centro	Concello	Provincia
15032662	CEIP Mosteirón	Sada	A Coruña
15026157	CRA de Santa Comba	Santa Comba	A Coruña
15022590	CEIP de Roxos	Santiago de Compostela	A Coruña
15022589	CEIP Lamas de Abade	Santiago de Compostela	A Coruña
15025724	CEIP Os Tilos	Teo	A Coruña
15017314	CEIP de Toques	Toques	A Coruña
15026509	CRA de Valdoviño	Valdoviño	A Coruña
15019086	CEIP Labarta Pose	Zas	A Coruña
15001070	CPI Cruz do Sar	Bergondo	A Coruña
15009071	CPI Castro Baxoi	Miño	A Coruña
15010058	CPI do Feal	Narón	A Coruña
15019347	CPI Camiño de Santiago	O Pino	A Coruña
15027125	IES de Viós	Abegondo	A Coruña
15023314	IES de Sabón	Arteixo	A Coruña
15021767	IES Castro da Uz	As Pontes de García Rodríguez	A Coruña
15025694	IES Moncho Valcarce	As Pontes de García Rodríguez	A Coruña
15001148	IES As Mariñas	Betanzos	A Coruña
15026352	IES Brión	Brión	A Coruña
15027861	IES Pedra da Aguia	Camariñas	A Coruña
15027885	IES Lamas de Castelo	Carnota	A Coruña
15003212	IES Agra de Raíces	Cee	A Coruña
15005245	IES de Monelos	A Coruña	A Coruña
15026421	IES Rafael Dieste	A Coruña	A Coruña
15005269	IES Urbano Lugrís	A Coruña	A Coruña
15027770	IES A Sardiñeira	A Coruña	A Coruña
15023132	EOI A Coruña	A Coruña	A Coruña
15021470	IES de Canido	Ferrol	A Coruña
15006742	IES Concepción Arenal	Ferrol	A Coruña
15025566	IES Ferrol Vello	Ferrol	A Coruña
15025645	IES Ricardo Carballo Calero	Ferrol	A Coruña
15006791	IES Saturnino Montojo	Ferrol	A Coruña
15027654	IES Agra de Leborís	A Laracha	A Coruña
15025268	IES As Telleiras	Narón	A Coruña
15027216	IES Fernando Esquío	Neda	A Coruña
15010812	IES Virxe do Mar	Noia	A Coruña
15026388	IES Fontexería	Muros	A Coruña
15026121	IES Xosé Neira Vilas	Oleiros	A Coruña
15027939	IES Maruxa Mallo	Ordes	A Coruña
15027964	IES de Oroso	Oroso	A Coruña
15020544	IES de Ortigueira	Ortigueira	A Coruña
15025530	IES Pobra do Caramiñal	A Pobra do Caramiñal	A Coruña
15020556	IES de Breameo	Pontedeume	A Coruña
15014568	IES n.º 1	Ribeira	A Coruña

Código	Centro	Concello	Provincia
15032662	IES Mosteirón	Sada	A Coruña
15023466	IES Lamas de Abade	Santiago de Compostela	A Coruña
15025712	IES Antonio Fraguas Fraguas	Santiago de Compostela	A Coruña
15015861	IES Eduardo Pondal	Santiago de Compostela	A Coruña
15032418	CMUS Profesional de Santiago	Santiago de Compostela	A Coruña
15027368	IES Maximino Romero de Lema	Zas	A Coruña
27000010	CEIP Aquilino Iglesia Alvariño	Abadín	Lugo
27008148	CEIP das Nogais	As Nogais	Lugo
27016224	CEIP de San Cosme	Barreiros	Lugo
27020859	CEIP de Cervo n.º 1	Cervo	Lugo
27014847	CEIP do Corgo	O Corgo	Lugo
27005263	CEIP de Lousada	Guntín	Lugo
27006383	CEIP A Ponte	Lugo	Lugo
27006371	CEIP Anexa	Lugo	Lugo
27013673	CEIP de Casas	Lugo	Lugo
27014860	CEIP A Gándara	Monforte de Lemos	Lugo
27008513	CEIP Laverde Ruíz	Outeiro de Rei	Lugo
27010520	CEIP Virxe da Luz	Portomarín	Lugo
27012012	CEIP Frei Luís de Granada	Sarria	Lugo
27013296	CEIP Manuel Mato Vizoso	Vilalba	Lugo
27016674	CEP Luís Tobío	Viveiro	Lugo
27007958	CPI Luís Díaz Moreno	Baralla	Lugo
27004635	CPI Dr. López Suárez	Friol	Lugo
27014082	EEl de Sarria	Sarria	Lugo
27015891	IES da Terra Chá, José Trapero Pardo	Castro de Rei	Lugo
27016315	IES de Becerreá	Becerreá	Lugo
27003175	IES Val do Asma	Chantada	Lugo
27016303	IES Pedregal de Irimia	Meira	Lugo
27013314	IES Santiago Basanta Silva	Vilalba	Lugo
32000356	CEIP Ramón Otero Pedraio	Amoeiro	Ourense
32015098	CEIP O Bolo	O Bolo	Ourense
32015268	CEIP Otero Novas	Cortegada	Ourense
32004398	CEIP Vicente Risco	Cualedro	Ourense
32014902	CEIP Santa María A Real	Entrimo	Ourense
32008847	CEIP Amadeo Rodríguez Barroso	Ourense	Ourense
32015669	CEIP Mestre Vide	Ourense	Ourense
32015220	CEIP Vistahermosa	Ourense	Ourense
32016029	CEIP Ben Cho Shey	O Pereiro de Aguiar	Ourense
32011755	CEIP Manuel Respino	A Rúa	Ourense
32016042	CEIP de Sandiás	Sandiás	Ourense
32013168	CEIP Eduardo Avila Bustillo	A Veiga	Ourense
32006929	CPI Terras de Maside	Maside	Ourense
32003001	IES n.º 1	O Carballiño	Ourense

Código	Centro	Concello	Provincia
32008951	IES Ramón Otero Pedraio	Ourense	Ourense
32015475	IES de Ribadavia	Ribadavia	Ourense
32014801	IES Cidade de Antioquía	Xinzo de Limia	Ourense
36014866	CEIP Manuel Villar Paramá	A Estrada	Pontevedra
36018963	CEIP de Belesar	Baiona	Pontevedra
36000302	CEIP de Sabarís	Baiona	Pontevedra
36000375	CEIP da Torre-Cela	Bueu	Pontevedra
36000648	CEIP Enrique Barreiro Piñeiro	Cambados	Pontevedra
36015861	CEIP San Clemente de Cesar	Caldas de Reis	Pontevedra
36015950	CEIP da Espiñeira-Aldán	Cangas	Pontevedra
36003170	CEIP de Soutelo de Montes	Forcarei	Pontevedra
36003111	CEIP Nosa Señora dos Dores	Forcarei	Pontevedra
36017703	CEIP Souto-Donas	Gondomar	Pontevedra
36018987	CRA Antía Cal	Gondomar	Pontevedra
36004149	CEIP Xoaquín Loriga	Lalín	Pontevedra
36004460	CEIP de Ardán	Marín	Pontevedra
36018446	CEIP Armenteira	Meis	Pontevedra
36004733	CEIP de Reibón	Moaña	Pontevedra
36019441	CEIP de Petelos	Mos	Pontevedra
36001690	CEIP Antonio Blanco Rodríguez	Covelo	Pontevedra
36024173	CRA María Zambrano	O Rosal	Pontevedra
36007242	CEIP de Viñas	Poio	Pontevedra
36015536	CEIP A Reigosa	Ponte Caldelas	Pontevedra
36017661	CEIP Praza de Barcelos	Pontevedra	Pontevedra
36015172	CEIP A Xunqueira n.º 2	Pontevedra	Pontevedra
36016644	CEIP de Laredo	Redondela	Pontevedra
36007643	CEIP Outeiro das Penas	Redondela	Pontevedra
36014881	CEIP Alexandre Bóveda	Redondela	Pontevedra
36008489	CEP Altamira	Salceda de Caselas	Pontevedra
36008866	CEIP A Florida	Sanxenxo	Pontevedra
36008878	CEIP Cruceiro	Sanxenxo	Pontevedra
36009135	CEIP de Silleda	Silleda	Pontevedra
36015238	CEIP de Sobrada	Tomiño	Pontevedra
36009524	CEP Pedro Caselles Beltrán	Tomiño	Pontevedra
36014775	CEIP de Guillarei	Tui	Pontevedra
36009846	CEIP n.º 1	Tui	Pontevedra
36015020	CEIP de Randufe	Tui	Pontevedra
36009913	CEIP de Baño-Xanza	Valga	Pontevedra
36016061	CEIP A Doblada	Vigo	Pontevedra
36010460	CEIP Alfonso D. Rodríguez Castelao	Vigo	Pontevedra
36010708	CEIP Emilia Pardo Bazán	Vigo	Pontevedra
36015251	CEIP Friáns-Teis	Vigo	Pontevedra
36015627	CEIP García Barbón	Vigo	Pontevedra

Código	Centro	Concello	Provincia
36010071	CEIP Santa Mariña	Vigo	Pontevedra
36010587	CEIP de Sardoma-Moledo	Vigo	Pontevedra
36010423	CEIP Valle-Inclán	Vigo	Pontevedra
36010629	CEIP Vicente Risco	Vigo	Pontevedra
36010204	CEIP Párroco Don Camilo	Vigo	Pontevedra
36012377	CEIP de Cerdeiriñas	Vila de Cruces	Pontevedra
36012419	CEIP Arealonga	Vilagarcía de Arousa	Pontevedra
36019451	CEIP A Escardia	Vilagarcía de Arousa	Pontevedra
36013023	CEIP San Roque	Vilanova de Arousa	Pontevedra
36004927	CPI de Mondariz	Mondariz	Pontevedra
36013837	EEl Fina Casalderrey	Pontevedra	Pontevedra
36010265	EEl Cristo da Victoria	Vigo	Pontevedra
36014325	EEl Rúa Aragón	Vigo	Pontevedra
36015071	EEl Vagalume	Vilagarcía de Arousa	Pontevedra
36019244	IES A Sangriña	A Guarda	Pontevedra
36019402	IES Pazo da Mercé	As Neves	Pontevedra
36018501	IES Monte Carrasco	Cangas	Pontevedra
36019475	IES de Rodeira	Cangas	Pontevedra
36019220	IES Auga da Laxe	Gondomar	Pontevedra
36020295	IES Mestre Landín	Marín	Pontevedra
36020301	IES de Meaño	Meaño	Pontevedra
36019529	IES Ribeira do Louro	O Porriño	Pontevedra
36020143	IES de Poio	Poio	Pontevedra
36020313	IES de Ponte Caldelas	Ponte Caldelas	Pontevedra
36006419	IES Montecelo	Pontevedra	Pontevedra
36006729	IES Valle Inclán	Pontevedra	Pontevedra
36019566	IES de Chapela	Redondela	Pontevedra
36020325	IES Illa San Simón	Redondela	Pontevedra
36024628	IES Pedras Rubias	Salceda de Caselas	Pontevedra
36020337	IES de Salvaterra do Miño	Salvaterra do Miño	Pontevedra
36020350	IES Pintor Colmeiro	Silleda	Pontevedra
36014544	IES Francisco Sánchez	Tui	Pontevedra
36009901	IES San Paio	Tui	Pontevedra
36020362	IES de Valga	Valga	Pontevedra
36019670	IES do Castro	Vigo	Pontevedra
36019426	IES de Coruxo	Vigo	Pontevedra
36011579	IES A Guía	Vigo	Pontevedra
36011580	IES Santo Tomé do Freixeiro	Vigo	Pontevedra
36019669	IES Armando Cotarelo Valledor	Vilagarcía de Arousa	Pontevedra
36018380	IES Miguel Ángel González Estévez	Vilagarcía de Arousa	Pontevedra
36024471	CMUS Profesional de Vigo	Vigo	Pontevedra
36018941	EOI de Vigo	Vigo	Pontevedra
36024598	EOI de Vilagarcía de Arousa	Vilagarcía de Arousa	Pontevedra

ANEXO II

Méritos	Puntos	Documentación xustificativa
1. Antigüidade (máximo 4 puntos).		
1.1. Por cada ano de servizos como funcionaria ou funcionario de carreira que superen os cinco exixidos como requisitos:	0,50	Fotocopia cotexada do título administrativo coas dilixencias das distintas posesións e cesamentos que tivese desde o seu nomeamento como funcionaria ou funcionario de carreira ou, se é o caso, dos correspondentes documentos de inscrición nos rexistros de persoal.
1.2. Por cada ano de servizos como funcionaria ou funcionario de carreira noutros corpos ou escalas docentes que impartan algunha das ensinanzas reguladas na Lei orgánica 2/2006, do 3 de maio, de educación:	0,25	Fotocopia cotexada do título administrativo coas dilixencias das distintas posesións e cesamentos que tivese desde o seu nomeamento como funcionaria ou funcionario de carreira ou, se é o caso, dos correspondentes documentos de inscrición nos rexistros de persoal.
2. Desempeño da Dirección de centros públicos e outros cargos directivos e de postos na Administración educativa (máximo seis puntos).		
2.1. Por cada ano como directora ou director nun centro que impartise algunha das ensinanzas do centro a que se opta:	1	Fotocopia cotexada do nomeamento, coas dilixencias da toma de posesión e cesamento.
2.2. Por cada ano como directora ou director nun centro que non impartise algunha das ensinanzas do centro ao que se opta:	0,50	Fotocopia cotexada do nomeamento, coas dilixencias da toma de posesión e cesamento
2.3. Por cada ano como subdirector ou xefe de servizo en postos da Administración educativa:	0,50	Fotocopia cotexada do nomeamento, coas dilixencias da toma de posesión e cesamento.
2.4. Por cada ano como vicedirector, subdirector, secretario ou xefe de estudos dun centro que impartise algunha das ensinanzas do centro a que se opta:	0,50	Fotocopia cotexada do nomeamento, coas dilixencias da toma de posesión e cesamento
2.5. Por cada ano como vicedirector, subdirector, secretario ou xefe de estudos dun centro que non impartise algunha das ensinanzas do centro a que se opta:	0,25	Fotocopia cotexada do nomeamento, coas dilixencias da toma de posesión e cesamento.
2.6. Por cada ano como xefe de departamento, coordinador dos equipos de normalización lingüística, coordinador de ciclo e análogos, dun centro que impartise algunha das ensinanzas do centro a que se opta:	0,15	Fotocopia cotexada do nomeamento, coas dilixencias da toma de posesión e de posesión e cesamento
3. Méritos académicos: máximo 1 punto.		
3.1. Por cada título de doutor:	0,50	Fotocopia cotexada do título ou certificación do aboamento dos dereitos de expedición, de acordo co previsto na O.M. do 8 de xullo de 1988 (BOE do 13 de xullo).
3.2. Por cada título de licenciado, enxeñeiro ou arquitecto distinto do alegado para ingreso no corpo, ou polo certificado-diploma de estudos avanzados:	0,25	Fotocopia cotexada do título ou certificación do aboamento dos dereitos de expedición, de acordo co previsto na O.M. do 8 de xullo de 1988 (BOE do 13 de xullo).
3.3. Por cada título de diplomado universitario ou equivalente distinto do alegado para ingreso no corpo:	0,15	Fotocopia cotexada do título ou certificación do aboamento dos dereitos de expedición, de acordo co previsto na O.M. do 8 de xullo de 1988 (BOE do 13 de xullo).
4. Cursos de formación: máximo 3 puntos. Por cursos de formación relacionados coa función directiva organizados polas administracións educativas que se atopen en pleno exercicio das súas competencias en materia educativa, por institucións sen ánimo de lucro que fosen homologados ou recoñecidos polas administracións citadas con anterioridade, así como os organizados polas universidades: 0,05 puntos por cada 10 horas.		
4.1. Por actividades e cursos recibidos:	Ata 2	Certificado deles en que conste de modo expreso o número de horas de duración do curso. No caso dos organizados polas institucións sen ánimo de lucro, deberá acreditarse de forma que faga fe o recoñecemento ou homologación.

Méritos	Puntos	Documentación xustificativa
4.2. Por cursos impartidos:	Ata 1	Certificado deles en que conste de modo expreso o número de horas de impartición no curso. No caso dos organizados polas institucións sen ánimo de lucro, deberá acreditarse de forma que faga fe o recoñecemento ou homologación.
5. Corpo de catedráticos.		
Por pertencer a un dos corpos de catedráticos regulados na Lei orgánica 2/2006, do 3 de maio, de educación:	0,50	Fotocopia cotexada do título administrativo ou credencial ou, se é o caso, o boletín en que apareza o seu nomeamento.
6. Proxecto de dirección.		
Polo proxecto de dirección:	Ata 12	Orixinal deste.

ANEXO III

**Solicitude de participación no concurso de méritos para a selección,
 o nomeamento e o cesamento dos directores e directoras dos centros docentes
 públicos que imparten as ensinanzas reguladas na Lei orgánica 2/2006,
 do 3 de maio, de educación, na Comunidade Autónoma de Galicia**

1. Datos persoais.

Primeiro apelido	Segundo apelido	Nome	
DNI	Enderezo (rúa, praza..., número, piso)		
Localidade (con indicativo postal)	Provincia	Telf. fixo	Telf. móbil

2. Datos do destino.

Destino definitivo		Corpo/especialidade	
Destino provisional		Corpo/especialidade	

3. Centro docente que solicita.

Orde	Código	Centro	Concello
1			
2			

..., ... de... de 20...

Sinatura

Xefatura Territorial de